

10. gr.

Leita skal staðfestingar dómsmálaráðherra á skipulagsskrá þessari.

Stjórn í nóvember 1995 skipa: Jón Stefánsson, Ólöf Kolbrún Harðardóttir og Stefán Guðjohnsen.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytið, 27. nóvember 1995.

F. h. r.
Jón Thors.

Fanney Óskarsdóttir.

SKIPULAGSSKRÁ

fyrir Líknarsjóð Langholtskirkju.

1. Nafn sjóðsins er Líknarsjóður Langholtskirkju og er heimili hans í Langholtskirkju í Reykjavíkurrófastsdæmi vestra.

2. Stofnfé sjóðsins er kr. 1.506.703,33, ein milljón fimm hundruð og sex þúsund sjö hundruð og þrjár $\frac{33}{100}$, höfuðstóll Minningarsjóðs Ingibjargar Þórðardóttur, fyrstu prestkonunnar í Langholtsprestakalli. Líknarsjóðurinn skal vera í minningu hennar og eiginmanns hennar, sr. Árelíusar Níelssonar.

3. Tilgangur sjóðsins er að styðja þá sem minna mega sín í söfnuðinum með peningastyrkjum eftir því sem stjórn sjóðsins telur rétt hverju sinni. Styrkir skulu veittir til að leggja þeim lið og gleðja þá sem minna mega sín, vegna slysa, sjúkdóma eða tímabundinna fjárhagserfiðleika.

4. Stjórn sjóðsins skal skipuð 5 mönnum: Sóknarpresti, tveimur tilnefndum af stjórn Kvenfélags Langholtssóknar og tveimur tilnefndum af sóknarnefnd Langholtskirkju og skal annar þeirra jafnframt vera formaður stjórnar sjóðsstjórnar. Annar af fulltrúum kvenfélagsins skal vera varaformaður. Að öðru leyti skiptir stjórnin með sér verkum.

Hætti kvenfélagið störfum skal sóknarnefnd tilnefna fjóra stjórnarmenn.

5. Ekki skal líða lengra á milli stjórnarfunda en 3 mánuðir.

6. Sóknarprestur gerir tillögur um styrki úr sjóðnum til sjóðsstjórnar. Sjóðsstjórn er heimilt að fela sóknarpresti að veita styrki innan tiltekinnar fjárhæðar án þess að bera það undir stjórn sjóðsins, að því tilskildu, að styrkurinn sé borinn undir formann áður en til úthlutunar kemur og ræddur í stjórn sjóðsins á næsta stjórnarfundum á eftir.

7. Viðbættan höfuðstól sjóðsins má aldrei skerða. Gjafir og önnur framlög til sjóðsins leggjast við höfuðstól. Því til viðbótar skal ekki minna en 10% raunvaxta leggjast við höfuðstól árlega.

Höfuðstóll sjóðsins skal ávaxtaður með bestu fánlegu kjörum hverju sinni.

Raunvöxtum, að öðru leyti en því sem að ofan greinir, skal varið til styrkja samkvæmt því sem um getur í 3. tölulið.

8. Einn dagur árlega, 2. maí (brúðkaupsdagur hjónanna Ingibjargar Þórðardóttur og Árelíusar Níelssonar, fyrstu prestshjónanna í Langholtsprestakalli), sé helgaður sjóðnum,

með fjársöfnun og fréttum af úthlutun og þeim gjöfum og framlögum sem borist hafa ár hvert.

9. Stjórn sjóðsins skal færa nákvæmar skýrslur um starfsemi hans, tekjur og gjöld og annast undirbúning söfnunardags sjóðsins, 2. maí.

Aðalfund sjóðsins skal halda sem næst 2. maí og skulu reikningar sjóðsins þá liggja fyrir.

10. Löggiltur endurskoðandi skal fenginn til að endurskoða bókhald sjóðsins og árita reikning hans. Skal hann jafnframt fylgjast með því að ákvæði stofnskrár þessarar séu haldin.

11. Stofnskrá þessari verður ekki breytt nema með fullu samþykki allrar sjóðstjórnarinnar.

12. Frá skipulagsskrá þessari skal formlega gengið og skal leita eftir staðfestingu dómsmálaráðherra á henni, skv. lögum nr. 19/1988.

15. nóvember 1995.

Ólafur Örn Árnason (tilnefndur af sóknarnefnd), Árni Geir Pálsson (tilnefndur af sóknarnefnd), Sigríður Jóhannsdóttir (tilnefnd af Kvenfélagi Langholtssóknar), Eyvör Friðriksdóttir (tilnefnd af Kvenfélagi Langholtssóknar) og Flóki Kristinsson (sóknarprestur).

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytið, 27. nóvember 1995.

F. h. r.
Jón Thors.

Fanney Óskarsdóttir.

REGLUGERÐ

**um breytingu á reglugerð nr. 291, 31. maí 1994,
um botn- og flotvörpur, sbr. reglugerð nr. 505/1994.**

1. gr.

Síðasti málsliður B. liðar 14. gr. reglugerðarinnar orðist svo: Við innfjarðarækjuveiðar er heimilt að binda fyrir hlífðarpokann að aftan.

2. gr.

Reglugerð þessi er sett samkvæmt ákvæðum laga nr. 81, 31. maí 1976, um veiðar í fiskveiðilandhelgi Íslands til að öðlast þegar gildi.

Sjávarútvegsráðuneytið, 4. desember 1995.

Þorsteinn Pálsson.

Árni Kolbeinsson.